



18. august 2021

UKA 2021/168

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

Tunngaviusumik inatsisissaq pillugu isumalioqatigiisitap unitsinnissaa, kiisalu isumalioqatigiisitami sulinerup unitsinneqarnissaa pillugu Inatsisartut aalajangiineranniat atuutilersussamik Naalakkersuisut peqquneqassasut Inatsisartut aalajangiiffisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Tunngavilersuut

Siunissami namminiilivinnissaq takorluugaavoq nuannersoq. Taamaattorli nassuerutigisariaqarparput ullumikkut tunngaviusumik inatsiseqalernissaq pillugu isumalioqatigiissitaq kusassaataannaasoq, namminiilivinnissamut suliaqarnertut taallugu neriulersitsiniartussiaq.

Nassuerutigisariaqalerparput pappilissamik ukiumoortumik 5 mio. Kr.-nik akilimmik suliaqarnikkut namminiilivinnissamik pilersitsinavianngitsoq. Namminiilivinnissaq angunetserneqarsinnaavoq ullumikkut aningaasaatigut atorluaagutta. Taamanikkussamullu akissaqalersimalluta, pisinnaalersimallatalu inississimaleriarutta taamanikkussamut pissutsinut tulluuttumik tunngaviusumik inatsisiorniarneq nangeqqinneqakuttooqqikkumaarpoq.

Piviusorsiornerulerteriaqarpugut. Inuinuku pisinnaanngorsartariaqarigut, imminnut napatissinnaanngorsarlugit, namminersorlutik inuullutik, namminersortutullu suliffeqarfinnik aallartitsisinnaanngorsarlugit. Uagut qulaaniit suaaruteqarnitsiguunngitsoq, inuilli peqqissut, toqqisisimasut namminiilivinneq pilersittussaagaat. Namminiilivinnerup inuit nammineernerusut pilersikkunnangilai. Inuinuku nammineersinnaanngorsimasut namminiilivinnissaq pilersitassaat. Tunngaviusumik inatsisip namminiilivinneq imminullu napatinneruneq pilersinnaviangilaa. Inuaalli nammineersinnaalersimasut imminnut napatittut tunngaviusumik inatsisiortussat.

Nassuerutigisariaqalerparpullu tunngaviusumik inatsisiorniarnermut isumalioqatigiisitaq iluatsinngitsoq. Piffissaq sivitsorpoq sulilu takussutissaasumik saqqummiussisimanatik, naak ukiumut miliuunerpassuarnik aningaasartuuteqarfiguaraluaripput. Kinguarteqattaaginnavittumut taamatut aningaasarpassuarnik atuiinnavissinnaajunnaarpugut. Taamaattumillu Naalakkersuisut inatsimmik allanguutissamik suliaqaqqullugit peqquneqarnissaannik siunnersuuteqarpugut, taakku miliuunerpaaluit aningaasanut inatsimmut pituttoqqajunnaarsikkumallugit. Taakku aningaasat allanut piviusorsiortunut atortigit.



Aningaasatigut ingerlatsinikkullu pisortanut kingunerisassai:

2017-mili ukiumut 5mio. Kr.-it tunngaviusumik inatsisiliornissaq pillugu isumalioqatigiisitamut illikartinneqartarsimapput. AIS2022 malillugu pilersaarutigineqarpoq 2022-mi 5,7mio. Kr.-t atorneqartussangortinneqaraluarput. Isumalioqatigiisitalli unitsinnissaa aalajangerneqassappat naatsorsuutigineqassaaq 5,7mio. Kr. Sipaarutigineqassasut 2022-iinnarmi. Taamaattorli isumalioqatigiisitap unitsinneqarneranut atatillugu atorfinitisinneqarsimasunut tunngatillugu isumaqatigiissuteqarnikkut pituttorsimaffiusut atuukkumaarput, taamaalliluunilu sipaarutaasussatut naatsorsuutigineqarsimasut annikinnerulaarlutik.

Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq.